

Ленинэнь киява

ВЛКСМ-нь Мордовской обкомонь ды Саранскоень ошонь комитетэнь газетаст

СЕНТЯБРЯНЬ

16 чн,

1937 ие

№ 106 (785)

ЛКСИ. 7-це ие
чинь ютазь

ИНФОРМАЦИОННОЙ СООБЩЕНИЯ

Сентябрянь 9-це чистэ саезь сентябрынь 13-це чис ульнесь ВЛКСМ-нь Мордовской обкомонь пленум. Пленумось важныизе ВЛКСМ-нь обкомонь бюронь ды пленумонь башка члентнэде вострэнэнь.

Народонь врагонть Иванов-марто сюлмавоманть кис, политической бдительностень емавтоманзо кис, политически аволь проверязь ломанентень, народонь врагонть Кузминэнь секретной роботас рекомендациянь максомань кис, роботамонь основной участканть, комсомолетнэнь ды од ломантнень коммунистической воспитаниянь калавтоманзо кис,—пленумось каизе ВЛКСМ-нь обкомонь васень секретарекс роботасто, бюронь ды пленумонь членстэ Лисенковонь.

Большевистской бдительностень емавтоманзо кис, Мордовской комсомольской организациянтень кеме руководствань а максоманть кис,—пленумось каизе ВЛКСМ-нь обкомонь омбоце секретарекс роботасто, обкомонь бюронь ды пленумонь членстэ Обертковань (Родионовань).

Пленумось истя жо каизе орконь заведующейкс роботасто, обкомонь бюронь ды пленумонь членстэ Киселевонь, конась нош-камтызе революционной бдительностень, макссь рекомендация народонь врагонть Жиндеевонь братонстань, конась сонькак оказался народонь врагокс. Теде башка Киселев калавтызе Саран ошонь комсомольской организациянтень роботанзо ды ульнесь покш под-халим.

Пленумось каизе пленумонь членстэ Прусаковонь, кона лангс таргазь прок народонь враг.

Народонь врагтнэнь марто сюлмавоманть кис пленумонь член-стэ ды роботасто панезь Краснослободскоень комсомолонь секре-таресь Захаров, кшнинь кинь помполитесь Грибанов, Торбеевань комсомолонь райкомонь секретаресь Зверков, конась кувать ульнесь сюлмавозь народонь врагонть Сибиряк марто ды тень сепсь комсо-мольской организациянтень эйстэ.

Пленумонь членстэ истя жо панезь Инсаронь комсомолонь райкомонь секретаресь Малявина, Саранскоень комсомолонь горко-монь секретаресь Левин, Рузаевкань комсомолонь райкомонь секре-таресь Титов.

Комсомольской областной конференциянтень самс пленумось до-верил комсомолонь обкомонь бюронь руководствань, бюронь член-нэнь Дрыгин, Котелев ды Потапов ялгатненень.

Комсомолонь обкомонь секретаренть обязанностнень топавты-циякс пленумось кочкизе Забродин ялганть.

Эсь родинанть границатнень ванстома

Покш Березникень район. Ко-согор велень 1915-1916 иестэ ша-чозь од ломантне Якстере армияв призывенть вастызь кенярдозь. Ко-согор велестэ призывной комис-сияв якасть 15 допризывникт, конатнестэ примазь 14, ансяк

вейке кадозь особой требованиень самс.

Весе призывниктнэнь пек покш мелест модемс минек уцяскав эря-монть, ине родинанть границатнень ванстома.

Мокшов.

Покш мельсэ молян Якстере Армияв

Серафим Чалов—Ладань МТС-нь шофер. Сонзэ „ГАЗ“ автомашина-зо ловови МТС-сэнт сех парсте роботыцкс. Чалов сонзэ пек вечк-сы, яки мельганзо сех мелявтыця азорокс, парсте содасынзе сонзэ весе пелькстнэнь. Сон честной, аккуратной работник.

Ней Чалов ялгась призывается Якстере Армияв. Сон кенярдозь сась призывной пунктов. Мон ар-сян, келя, понгомс бронетанковой

частев. Покш мельсэ молян вечке-викс Якстере Армиянь рядтнэс. „Мон пштистэ карман ванстома эсинек родинанть,—корты Чалов ялгась—анокан топавтомс минек партиянт ды правительстванть эрьвата заданиянт. Бути карми эрявомо, мон весе эсь эрямом мак-са эсь родинанть кис“.

А.

Ромодановань район.

Тонавнтить кочкамонь законотъ

Саранскоень горторгонь 3, 4, 5, Кружоконь руководителесь Шем-ракова парсте анокстакшны заня-тиянтненень, секс эрьва кунсолы-цясь получи вадра ответ эрьва вопросотъ лангс.

Н—к.

РЕВОЛЮЦИЯНЬ РЫЦАРЬ

Сентябрянь 11-це чистэ топодсть 60 иеть, кода шачсь Феликс Эдмундович Дзержинский—ре-волюциянь бесстрашной рыцаресь, большевистской партиянт верной церась.

Пролетарской ине революционе-ресь шачсь 1877 иестэ Литвасо. Железной Феликс 17 иесэ уш кар-мась примамо участия революци-онной движениясо ды весе эсинзэ эрямонзо педе-пев максызе капи-талонь гнетонт эйстэ трудият-нень оляс менстямонь ине теვენ-тень. Феликс Дзержинский робо-тась социал-демократической „кру-жоктнэсэ ды литовской социал-демократиянь организациясонть. 1897 иестэ ульнесь васенце арест ды ссылка. Те шкастонть Феликс Дзержинский ульнесь уш после-довательной ды кеме революцио-нерэкс.

1899 иестэ, бестрашной Дзержин-ский оргедсь ссылкойсто ды таго мольсь тов, косо сех виевель рево-люционной бороцямось. Мейле та-го—арестт, тюрьмат ды ссылкат, конат сезильть од революционе-рэнт шумбра-чинзэ, но вейкеяк минутас эзизь ловшомгавтне сон-зэ большевистской волянзо. Неть иетнень перть Дзержинский кассь пролетарской покш революционе-рэкс ды кочказь РСДРП-нь ЦК-нь членкс.

1912 иень сентябрь ковсто Дзе-ржинский меельцеде арестовазель. Оргедемань кис сон судязель 3 иес каторгас, те наказаниядонт мейле жо кучозель Московов, то-со 1916 иестэ таго судязель 6 иес каторгас.

Ансяк 1917 иень революциясь Дзержинскоень менстизе оляс. 1917 иень декабрь ковсто организова-

зель ВЧК-сь, партиясь железной Феликсэнь аравтызе сонзэ предсе-дателекс. Се шкастонть саезь Дзе-ржинскоень лементь пек покш а вечкема марто ледтнить револю-циянь врагтнэ ды пек покш веч-кема марто те лементь ледтниль ды ледтни народось.

„Буржуазиясь,— мерсь Сталин ялгась,— а содыль седе пек а веч-кевикс лем, Дзержинскоень ле-менть коряс, кона пролетарской революциянь врагтнэнь вачкодъ-сэст тапиль стальной кедьсэ. Бур-жуазиянт гроза—вана мезекс уль-несь Феликс Дзержинский“.

Гражданской войнанть прыдома-до мейле, партиясь Дзержин-скоень аравтызе транспортонт ру-ководителекс, 1924 иестэ аравты-зе народной хозяйствань Высшей Советанть председателекс. Кодамо бу тевсэ аволь работа Феликс Дзержинский, сон эрьва косо ды эрьва зярдо ульнесь Ленинэнь—Сталинэнь партиянт верной цера, партиянт врагтнэнь, народонь врагтнэнь, гроза. Сонзэ пек вечки-лизь трудиятне.

Трудицятнень ине вождесь ды учителесь Сталин ялгась мерсь:

„Хочется вейке валсо евтамс лакиця те эрямонть: палом. Ста-катнень каршо бороцямосонт па-лома ды геройской отвага“.

Феликс Дзержинскоень валдо ге-роической образосо вдохновляет минек пек паро родинань народт-нэнь. Сонзэ примерэнзэ коряс сын тонавнтить геройской отвагас, Ле-нинэнь—Сталинэнь партиянт те-вентень беззаветной преданностьс, революционной бдительностьс.

УКАЗАНИЯТНЕ ЭЗТЬ ТОПАВТОВТ

Сентябрянь васень чистэ ушо-довсь 1915—1916-це иетнестэ ша-чозь граждантинь призывесь. Покш кенярдкс марто сыт Саран-скоень, Ромодановань, Ичалкань ды лия районтнэстэ призывниктнэ призывной комиссияв. Эрьва при-зывникесь кирди седейсэнзэ: дос-тойноя ли мон социализмань ро-динанть границанзо ванстома? Ла-мо призывникт снартнить повго-мо граница лангс частьненень. Эрьватанть бажамозо — модемс Якстере армияв. Примеркс: Саран-ской райононь Берсеневка велень призывникесь—Родионов, полити-ко-моральной состояниань коряс достоен, добросовестно роботас колхозонь паксясо, аволь весть ульнесь премировазь. Сентябрянь 4-це чистэ призывной комиссиясь

макссь тензэ отсрочка секс, што аволь сатышкасто лечавсь гриза-зо. Покш мельсэ апаро саизе Ро-дионон ялганть. Истят фактнэде ламо.

Эряви меремс, што призывник-тнэнь лечамось мелень призывенть коряс мольсь вадрясто, 80—85% призывниктнэ годнойть Якстере армияв. Истя-жо сермас а сода-мось ды аламо содамось ютась иенть коряс пек седе алкине. Но яла теке, сень лангс апак вано, што ульнесь ламо указанийт Во-енной Комиссариатонт пельде райисполкомтнэненень ды военной инспектортнэненень, штобу призыв-никтнэнь анокстамс Якстере арми-яв 100%,—неть указанийтне ка-довсть апак топавто.

В. Водясов.

ПАРСТЕ АРАВТОМС ОСО-НЬ РОБОТАНТЬ

Дубенкань район. Келде ве-лень осовавиахмень первичной организациясь ютавьсь промкс, косо лангс ливтезь, што те шкас-яла Осовавиахмень организациясь ды сонзэ председателесь П. Рус-скин а вети кодамоак работа.

Промксось эсь постановлениясо-изо сермадсь, штобу икеле-пелев парсте аравтомс Осовавиахмень роботанть, кармамс тонавтниеме противогазонтъ ды винтовканть.

Сыркин.

Конференциясь ютась кеме критика марто

Августонь 30-це чистэ сентяб-
рянь 2-це чис мольсь Дубенкань
райононь комсомолонь 6-це кон-
ференциясь. Конференциясь ютась
большевистской критика марто.
Райкомонть отчетной докладонзо
коряс прениясо кортасть 35 деле-
гатт. Сын ливтизь лагс весе
асатыкшнень, конань нолдакшнень
зе ВЛКСМ-нь райкомось. Райко-
монь бюронь члентнень политиче-
ской бдительностенть аразы-
чинь кувалт роботась народонь
враг—Буянов ВЛКСМ-нь райко-
монь секретарекс ды меельсь
шканть самс ульнесь бюронь
членкс сонзэ приспешникезэ Уча-
ев. Народонь врагтнэ: Буянов,
Учаев, Ламзина, Святкин ды лият
тейсть покш зыян комсомольской
организациянтень. Сын эрва ко-
да сезильть од ломантне ют-
ко политической воспитаниядо
ВКП(б)-нь ЦК-нть решениянтень
топавтоманть, сын од ломантнень
ютко организовакшнелть вина-
до симневат, хулиганства, быто-
вой разложения.

Великоросов, Кочетков, Клинич-
ев, Шулепов ды лият калавтсть
физкультурной ды оборонной ро-
ботанть райононь келес. Сезизь
Верховной Советс кочкамотненень
од ломантнень аноктамонть, соз-
нательностэ эзь толкова Сталин-
ской Конституциянт, „Верховной
Советс кочкамотнеде Положени-
янт“.

Пек кеместэ критиковазь полит-
тонавтнемань отделанть роботазо.
Полит. кружоктнень роботасот
ульнесь сезонност, аволь сатыш-
касто ютавтнесь пропагандист-
ской семинарт, пропагандистекс
кучнест атак провера ломанть
ды народонь врагт. Повадь велесэ
политзанянт ютавтнесь Буянов
врагос, Дубенкань средней шко-
ласо сонзэ приспешникезэ Учаев.
Истят фактнэде пек ламо.

Буянов врагонть мереманзо ко-
ряс ульнесь кооптировазь райко-
монь пленумонь членкс разложив-
шей элементесь Константинов,
сень лагс атак вано, што сон
аволь комсомолецкак. Бюронь
члентнэ: Шишкин, Лемаев ды Жар-
ков эсист беспечностенть кувалт
эзь бороця безобразиянтень кар-
шо. Теде башка, ВЛКСМ-нь рай-
комось (секретаресь Шишкин)
эрва кода вансь мелест проходи-
мектнень ды жуликтнень. Шуле-
повнень, кона комсомолс понгсь
случайна ды хулиганствань кис
судязь, Шишкин сермадсь вадра
характеристика.

Дубенкань средней школань
комсомолецтнэ ливтизь лагс, што
Учаев аволь ансяк ульнесь скул-
мавозь народонь врагтнень—Нуя-
зинань ды Буяновонь марто, но
эрва кода аштеть школасонть
чуждой учительтнень Апраксинань,
Ястребовонь ды лиятнень кис.
Нет учительтне ловность уче-
никтнень зыянов стихт, ветясть
аволь виде воспитания.

А. Щеглов.

Чумондомс хулиганонть

Сентябрянь 5-це чистэ 12 част
веть мольсь монь вальмалов комсо-
молекс Беляков Ст. ды мезе вийсэ
кармась кенгшенть тапамо, снарт-
несь совамо кудос. Мон эзия
нолда, сон кармась эрва кода по-
зорямо.

Беляковонь истят хулиганской
тевензэ ульнесь икелеяк, но те
чис кодамоак наказания эзь получа.

Е. К. Солдатова.

Чамзинкань район, Покш Маризь веле.

АТЯШЕВАНЬ РОНО-НТЬ ПОЛИТИЧЕСКОЙ СОКОР-ЧИЗЭ ДЫ КАДРАТНЕНЬ КОЧКАМОНТЕНЬ ПРЕСТУПНОЙ ОТНОШЕНИЯЗО

Атяшевонь районсо кой-кона
организациятнева пек ношккалгав-
тозь революционной бдительнос-
тес, тень кувалт тосо зарыя
шкань перть орудовасть народонь
врагт ды сынест лездычат. Саемс,
примеркс, комсомолонь райкомонть
косо пек кувать ветясть подрыв-
ной роботаст народонь врагтнэ
Чернобровкин, Карабасов ды Ро-
гожин, сын эрва кода бажасть
калавтомс комсомольской органи-
зациянт.

РОНО-нь заведующеекс роботась
Топтыгин, сон вражеской робота-
сонзо эрва кода снартнесь се-
земс народной просвещениянт.

Атяшевонь средней школасонть
комсоргокс ульнесь Артамонов,
кона комсомолецтнень ютко ла-
моксть тейнесь контрреволюцион-
ной, антисоветской выступления.
Тень кисэ комсомолонь райкомось
сонзэ панизе комсомолсто, но Атя-
шевонь РОНО-сь сонзэ сентяб-
рянь 1-це чистэ саизе инструкторкс
ды те шкас яла тосо роботы.

Преподавателекс роботась Вас-
кин, те нулгодыкс истяжо про-
таскивал контрреволюционной иде-
янт ды кирдсь контрреволюционной
литература, конань сон ловнось
тонавтичятненень.

Кувать роботась Лабаскань аволь
полной средней школасонть ди-
ректоркс Рябов, кона ламоксть
снартнесь протаскивать контрре-
волюционной идеят. Сонзэ нул-
годыкс тевтнень лагс таргамодо
мейле сон панезь партиясто ды
роботастояк. Народонь неть враг-

тнэ ды сынест лездычатне робо-
тас аравтозельть Атяшевонь
РОНО-нь заведующеент Юныше-
вонь инициативасо, сон эрва кода
шнась сынест эйсэ.

Юнышев дружнасто эрсясь ды
пек скулмавозель народонь врагт-
нень Карабасов, Рогожин ды Чер-
нобровкин марто, сын вейсэ сим-
несть винадо. Юнышев цела ие
роботась Майданонь средней шко-
ласонть оголтелой народонь вра-
гонть Ковалев марто, содась нул-
годыкс тевдензэ, но сон яла шнась
эйсэнзэ.

Юнышевонь оязо Кузнецов ро-
ботась РОНО-нь инструкторкс,
пек скулмавозель народонь врагт-
нень марто, ламоксть вейсэ сим-
несть винадо, те лагс атак вано
Атяшевонь РОНО-сь истят оят-
нень (Юнышевонь, Кузнецовонь)
кучинзэ Майданонь средней шко-
лантень преподавателекс.

Случайна ли се, што Майданонь
средней школасонть роботы гео-
графиянт преподавательницакс
Юнышева—попонь тейтерь, ко-
нань малавгак а саты образовани-
язо ды сон выхалащивает геогра-
фиянт эйсэ.

Эряви нейке жо проверямс Май-
данонь средней школанть робо-
танзо ды весе преподавательской
ды васняк Юнышевонь ды Куз-
нецовонь. Ютась иестенть тосо
негодяйтне пултасть школа ды
тень коряс тевес атак ванно ней-
гак.

Ф. Кипайкин.

Од вожатойть

Чамзинкань район. Чамзинка
велень средней школань комсо-
мольской организациясь парсте
аравтызе пионертнэ ютко робо-
танть, комсомолкат-отличницат
кочкась пионер-вожатойкс. Сынст
ютко 10-а классонь отличницатне:
Шалунова Н., Батяйкина Н., Без-
рукова П., Авдокина Т.

Н. Симдянов.

Пионерской од отрядт

Покш Березникень район. Ко-
согор велень аволь полной сред-
ней школасонть организовазь пи-
онерской кавто од отрядт. Пионе-
рэн отрядтнень вожатойкс коч-
казь опытной, активной комсомо-
лецт, конатне макссть вал, штобу
парсте аравтомс пионертнэ ют-
ко роботанть.

Мокшов.

Пионерэн отрядось вожатойтеме

Дубенкань р-н. Кендя велень
аволь полной средней школасо
ульнесь организовазь пионерэн
отрядт ВЛКСМ-нь райкомось кучизе
пионерэн вожатойкс Балейкинань,
кона мезеяк эзь тее, ансяк калав-
тызе отрядонть роботанзо.

Ней сонзэ саизь лия роботас,
отрядось кадовсь вожатойтеме.
Комсомолонь организациясь пи-
онертнэ ютко роботанть кис
овси а мелявты.

В. Сыркин.

Протестэнъ вайгель

Сентябрянь 9-це чистэ Ромода-
новской райононь призывниктнэ-
нень теель сообщения седе, што
итальянской фашистнэ ваявтызь
„Тимирязев“ ды „Благоев“ тепло-
ходтнэ. Призывниктнэ, истя жо,
кода советской весе народось, ев-
тызь протестэнъ эсист вайгелест.

Минек доблестной Якстере Ар-
миян икеле пелень боецтнэ яво-
лывтсь, што эрва шкане анокт
стамс эсь родинанть ванстома,
куш кодамо врагонть тапамо. При-
зывниктнэ правительстванть
энялдсть строямс седеяк ламо од
суднат ды примамс сех кеме ме-
рат фашистской пираттнень каршо.

Вл. Ананьин.

Максыть трудочинь заработка

Вишка Маризь велень Сталин
лемсэ колхозонь колхозниктнэ
ютко ютавтозь митинг, косо
евтазь протест фашистской бан-
диттнэ, конат ваявтызь „Тими-
рязев“ ды „Благоев“ пароходтнэ.

Колхозниктнэ фашистской зло-
дейтнень каршо ответакс максыть
трудочинь заработка, штобу
строямс сядот од пароходт.

Захаркин.

Чамзинкань район.

Оймевтеме ломантнень преступной отношенияст

Минек масторонь эйкакштнэ—
мирсэнт сех уцяскав поколения.
Минек эйкакштнэнен максозь сех
паро, весела, мазый эрямо. Сынст
кисэ мелявты партиясь, правитель-
ствась, народтнэ ине вождес
Сталин ялгась ды весе советской
народось.

Минек масторсонть арась бес-
призорничества. Тетявтомо ды
ававтомо кадовозь эйкакштнэнен
теезь истямо жо обеспеченной,
паро эрямо.

Но улить эщо истят бездушной
ломанть, конат тетявтомо-ававто-
мо эйкакштнэнен кис мелявтоманть
таркас нарыгить сынст лагсо. Ва-
на, примеркс, Дубенкань „Больше-
вик“ колхозсо макссть уроз эйкак-
штнэнен вишкине кудо, тосо эрить
12 эйкакшт. Эйтэст сех вишки-
нентень 3 иеть ды сех покшон-
тень 14 иеть. Весе сынст арась
полавтомс понгсост-панарост, вете
недлядо ламо шка уш каэдлить
секе жо рудазов, каргоць оршамо
пельтнень. Кодамоак лембе оди-
жаст, карсема пелест эйкакштнэ
арась, мик сетьненьгак, конатне
школасо тонавтичть. Эйкакштнэ
яксить кепе.

Удсема таркаст арась. Сынест
макссть каладо, казямо полонк ды
сын сонзэ ацасызь киякс куншкас
ды удсить весе, вейкест-вейкест
ежос кирмицязь. А тодовт, а вель-
тмот—мезеяк тест эсть максо.

Сынст мельга яки сыре баба
Сутайкина. Лия кияк арась. Секс
а месть кортамкак эйкакштнэ
ютко воспитательной роботазо.
Сутайкина ансяк стакшны ды пан-
дти эйкакштнэнула-валаст.
Сон ламоксть кортнесь колхозонь
привтонть Зинкиннень ды парт-
оргонтень Трмасовнень седе,
штобу эйкакштнэнен рамавто-
вольть оршамо ды карсема-пельть.
Но неть оймевтеме ломантне,
наксадо бюрократнэ марикскак
а тейнит. Но ведь сын содыть,
што эйкакштнэ эрить пек берянь
условиясо. Сын заслуживают
сень, штобу чумондомс сынст
преступной истямо отношениянт
кис.

Дубенкасо ули эйкакштнэнен я-
ля, косо понгавтозь вывеска: „Ко-
хозные детские ясли“. Но те
ансяк вывеска. Тосо колхозникт-
нэ эйкакшт а эрсить. Те яслась
саезь районной руководителтнень
эйкакштнэнен, колхозниктнэ эй-
какшт тозонь а нолдтнть. Район-
ной руководителтне мелявтыть
эсист эйкакштнэнен кис, но мекс
сын а бажить эрямонь паро ус-
ловият теэмс тетявтомо-ававтомо
неть 12 эйкакштнэненгак. Парти-
янь райкомоськак, райисполкомось-
как содыть сынст берянь эрямо-
дост ды сын истя жо ответить
урозтнэ эрямокс кис.

И. Малкин, И. Азиков.

Вейке коновъ заработкасто максыть 2 проц.

Ардатовань райфинотделанть со-
трудниктнэ, кодак марясть итал-
янской фашистнэ гнусной тев-
дест, конат ваявтызь „Тимирязев“
ды „Благоев“ пароходтнэ,—
ютавтсть митинг, косо решизь вей-
ке коновъ заработкасто максомс
2 проц. од пароходтнэ строямс.

П. М.

СЕРМА РЕДАКЦИЯВ

Зярдо тень максыть
комсомольской билет

Сайне велень первичной комсомольской организациясь июлень 19 це чистэ монь примим комсомолс, но те шкас яла эзинь получа комсомольской билет. Ламоксть кевкстия комсоргонть Хрипуновонь билетэнь получамоить кувалт, но сон отечи: мон мезе-як а содан, зярдо райкомось максы, сестэ получаюткак.

Мон а содан, зярс эщо райкомось карми волокитань ветьмо, зярс эщо монень а максыть билет?

Н. П. Шишкин.

Дубенкень район.

Пьяницась Ломшин
панезь комсомолсто

Дубенки. Повадь велень советсэнь секретарекс кувать роботась а витевиця пьяницась ды подхалимесь Ломшин. Арасель истямо чи, зярдо бу сон саволь роботамо аволь иредьстэ, иредьстэнь пачк жо сон вельсоветсэнь тейнесь эрва кодат гнусной тевть. Граждантэненень, конатне сакшнокшность вельсоветэв тевень кис, сон наив отвечахшность: „Саеде пель литра, тевенк ули шляпасо“.

Тедэ башка сон ламо зыян тейсь комсомольской организациянтень (сон ульнес комсомолец): калавтсь политико-воспитательной роботанть, лепштысь критиканть ды самокритиканть.

Аволь умок ульнесть лангс таргаз сонэз подлой тевенэз ды весе тень кис панезь комсомолсто ды роботасто.

Чиндяновский.

Пилот-отличник

Омбоце ие Мокшэрзянь рабфаконь (Саранск) студентэсь Шанников ялгась тонавтни Саранскоень летной школосонть пилотокс.

Шанников ялгась кода рабфаксо, истя жо пилотной школосонтькак, тонавтни ансяк отличнасто ды лез-

Организациясонть роботась
вадрялгась

Чамзинкань район. Хлыстовка велень комсомольской организациясонть комсоргокс кувать ульнесь Филиппов В., кона весе вийсэнэз калавтсь организациянтень роботанзо; овси арасель политико-воспитательной робота, сонсь Филиппов тейнесь хулиганонь тевть.

Июль ковсто тосо ульнесь отчетно-выборной промкс. Комсомолецтнэ кеместэ критиковизь бездельникенть Филипповонь. Промксось сонэз каизе комсоргсто роботасто ды панизе комсомолсто. Комсоргокс кочказель Филиппов Александр.

Кода нейдяно, ней организациясонть роботась кармась витевеме: роботы политтонавтнемань кружок, эрсить промкст. Весе комсомолецтнэ бригадатнева ветить культурно-массовой робота. Ней жо толковать „СССР-нь Верховной Советс кочкамотнеде Положениянт“.

А. Грошев, С. Кузнецов.

АРАСЬ РОБОТА

Тазлеевка велень комсомольской организациясь (комсоргось Ашаев) овси а ютавты робота, кода комсомолецтнэнь ютксо, истя жо аволь союзной од ломантнэнь ютксо.

Комсомолонь политтонавтнемасть допрок лоткавтозь, кизэнь перть занятият арасельть, кочкамотнеде мейле ульнесь ансяк вейке промкс. Сюронь урядомо шкане, комсомолецтнэ культурно-массовой робота эсть ветя, стенной газетатнесэ кодамояк участия эзть прима. истя ашти тевесь нейгак.

Перо.

Козловкень район.

Следователень запискасто

Сезезь налксема

Горнецкий ульнесь партиянь аволь од член. Сон ютась революционной покш ки, ульнесь гражданской войнас, 1918—1919 иетнестэ интервенттнэнь каршо бойтнесэ зярыяксть раназель. 1936 иетнэнь Горнецкий роботась начальникокс трестэнь вейке отделсэ, конань ули оборонной покш значениязо.

Меедьсь шкастонть Горнецкоень кармась улеме лавшо енксово: сон кармась пек симнеме. Приятеленэз ютксо сон седесть кортикешнэсь „покш ды стака эрямодонть мейле заслуженной аволь покш обшмадонть“. Кармась седесть яксема ресторантакс. Кавто-колмо собутыльниктнэнь, обычно сослуживецтнэнь, компаньясонть, сон виань бутылка эхшса ютавтиль эзинэз ютксо-шканзо.

1936 иень мартось ульнесь Горнецкоень туртов стака ковокс. Заводтнэ трестэв сермалесть отчаянной сермат. Вешть дополнительной средстват. Сырьяс эз сато. Анок продукциянт уксеманзо марто положенияз истя жо ульнесь нап्राженнойкс. Горнецкий роботась упорнасто ды ламо.

Весть чокшне 8 чассто, кудосэ веть роботамонь намерениянт марто тресстэ тувезь, Горнецкий пештизе эзинэз покш

портфелевэз срочной коневсо, сермасо, заводонь плантнесэ Весе сынтэ зрявсь ванномс, проработать.

Ульнесь тундонь вадра чокшне. Ульця ванть састо молезь, Горнецкий арсезевсь, што аволь берянь улевель бу аламодо „варядиться“ роботадо икеле. Каретной рядонь уголсонть вишка пивноесь гостеприимно панжинэз эзинэз кенкшенэз, ды Горнецкий совась тозонь. Аламо шкань ютазь сон аштесь вейке стольне эхшса, наслаждения марто симсь кельме пиванть.

Седе мейлень событиятне мольть ку роксто. Макстано вал эстенэз Горнецкой-нень:

„Пива мон симинь пек ламо. Монь ваксо монень а содавикс кавто ломанть ушодсть оживленной кортнема войнадо. Тынь чаркодтыдо, мон жо, кода, икелемь военной. Карминь монгак кортнеме. Кортниек военной техникадонть. Мон яволявтынь, што минек техниканок седе сарей, лия государстватнэнь коряс, ды што монь марто спорямс а мезь, секо што мон роботанть областсэнь ды пек парсте сонэз содаса“...

Следствиясо весе тень евтнэз, Горнецкий, яла теке, аламодо скромничась. Сон седе видестэ кортась эсь прядонзо

Любаев.

Пешксе ковось
Кудряв пельтне алдо
Наянгалезь
Теке лебедь лиссь.
Мастор лангс келес
Чудевти валдо.
Пуви ялтке,
Уш а пиди псись.
Зэрни трактор
Те шканть бригадасо,
Коштось сорны
Сталень вайгельденть.
Дирнить жнейкат
Вирь ало паксясо,
Веселавтыть
Сын мазый чокшненть.
Састо, састо
Ковось верьга уи,
Паксяванть певерди
Сон сят.
„Мар“-паксясо

Кизэнь чокшне

В. Аношкин

Комбайнась розь нуи,
Розесь паро—
Мельсэ кенярдат.

**

Ало пестэ
Каятотсь гай моро,
Экше коштсонть.
Нурсить вайгельтне.
Марянь звенась
Течи нусь товзуро.
Кудов самсто
Морась тейтерьтне.
Морось корты
Паро эрямодо,
Морось касты
Од ломанень мель.
Кизэнь чокшнесь
Кодам пек валдо,
Ковось уи,
А вельтасы пель.

Маштомс вредительствань последствиянтнэнь

Ардатовань педагогической училищань комсомолонь организациясь сентябryanь 10 це чистэ ютавтсь закрытой комсомольской промкс, косо толковизь ВЛКСМ-нь ЦК-нь IV-це пленумонть решениянтнэнь.

Прениясо кортыцятне лангс ливтизь тонавтнема иентень аноктамосонть школань директоронть—Шиповичевонь вредительской тевенэз. Школанть ремонтось апок прыдо, общежитиятне аволь анокт, вальматне тапсезь, партатне асатыть. Культурной обслуживанияз аравтозь пек беряньстэ: радио арась, газетат ды журналт апок

сермадсто. Шиповичев школасто панемазонзо библиотекасонть кирдсь контрреволюционной книгат, ламо чуждой преподаватель, конат надзортомо ветясть вредительской тевест. Ершов—учительсэ чуждой ломань. Сон „Основы эволюционного учения“ предметэнь тонавтомсто программной материалонть тонавтсь контрреволюционной содержаниянь кирдэз. Эряви тонавтнемань одиестэнт седе пек кепедемс комсомолецтнэнь революционной бдительностест ды маштомс вредительствань последствиянтнэнь.

С. Быков.

Максыть норматнэнь ГТО-нь значок лангс

Шугурова велень средней школань учениктнэ: Гостайкин, Ишуткин, Семенов, Бояркин ды лиятне кармась ГТО-нь значок лангс норматнэнь максомо. Физкультурниктнэ сайсть обязательства, штобу Октябрьской революциянь 20-це годовщинант самс максомс весе норматнэнь.

Но теке марто эряви меремс

вана мезе: 1935-1936 иетнэнь ламо тонавтницят максокшнызь уш ГТО-нь значок лангс норматнэнь. Физкультурань руководителесь Паракшин пурнакшность значоконь кис ярмакт. Значокт жо те шкас яла арасть. Ков ютавтозь ярмактнэ ды мекс арасть значоктнэ?

Бекшаев.

Березникень район.

пивнойсэ ды, принь шназь портфельть ланга шлепаезь, яволявсь сонэз кемезь покш тайнатнеде.

Пивнойсэнь ломантнеде ульнесть аламо. Спорямонть пачк Горнецкий эз фатя, што сонэз пельс иредьстэ толковомтнэнь пек внимательно кулсоны лия столь эхшса аштия парсте оршазь 40—45 иесэ пера.

Маласонзо те ломаненть марто теевсь содавиксэкс просто. Горнецкоень столенть эхшса озамодо мейле, асодавикс ломанесь човоргась уш оймавиця спорямонть, пек аштесь Горнецкоень кис. Пивнойсэнь кавто частнэз ютасть куруксто ды апок фатя. Ответственной роботникесь коммунистась Горнецкий ды асодавикс ломанесь, кона мерсь, што сон бухгалтер Жирин, теевсь уш оякс.

Эсинэз од оянтэ талиядо нежнойсэ кирдэз, пивнойсэнь лисезь, Жирин кортась:

— Тон энэ совсек монень, сермадык адресэнь, монень пурнакшным аволь берянь компания, коммунист, ответроботник... Теке марто... мекс ней истя рана кудов? Улевель бу пек вадра модемс „Ливорно“ рестораноентень. часошка аштемс ды .. кудова.

Горнецкий снартнэсь отказамс: течи сонэз эщо пек ламо роботазо.

— Ерунда, ерунда, — ладсесь Жирин. — Кодам тонь вистэ течи роботник? Ада,

валске седе ламине роботат.

Маниязов ульнесь аволь стака. „Оатне“ поывасть „Ливорно“.

Горнецкий икеле эсь принзо марьясь аволь вадрясто. Эсь пачкавзо кройсесь, што согласясь модемс, но весе те кезьжесь курук емась. Эстрадасонть оркестрась прядсь кодамо бутти ташто вальсэнь морамонть, кона курук поладовсь цыганской нусмания, кувака моросо. Приятельтне симсь уш аволь шива, но кеме вина.

Жирин бухгалтерэсь уцяклав случайностэнь коряс ансяк течи получась ярмакт ды мог, кода сон кортась, теемс эстенэз роскошь ютавтомс приятеленэз марто 40—50 целковойть. Апок фатя ютазь шнась. „Тейтернеть бу“, — арсезевезь мерсь Жирин. Горнецкий кортась тень каршо: сон эщо аволь овси ематнэз эсинэз поведениязо кис виськсэнь ды ответственностэнь чувстванзо...

— Нелья жо истя опускаться, — покордазь мерсь сон Жириннэнь.

Но тонась пек эз вешейк. Арась, тык арась!

Ютазь эщо аволь ламо шка. Жирин пек ламо нуртнэсь Горнецкоень промкас. Горнецкоень седеяк пек чарасть превенэз.

Оркестрась зыркстась киштамань мо-

(Пезз 4-це страницасо)

„Н-209“ самолетонть
вешнемась

„КРАСИН“ ЛЕДОКОЛОСЬ БАРРОУ ОСТРОВОНТЕНЬ ЧАМДАСЬ ГОРЮЧЕЙ

Сентябрянь 14-це чистэ „Красин“ краснознаменной ледоколось вос-пользовался штилевой погодасонть ды сась Барроу мысэнтень. Ледоколось берегонть лангс чамдазь горючей ды ой самолеттнень туртов, конатне примить участия „Н-209“ самолетонть вешнемасо.

11 чассто московской шканть коряс ледоколось менстязь якорьстэ ды тусь „Микоян“ пароходонть вастамо бункеровканть тееме.

Бицкий ялганть самолетозо Архангельскойсэ

Архангельск. Сентябрянь 14-це чистэ Архангельской аэродромонть вадрасто валгсь Бицкий летчикенть самолетозо, конась кучозь Московсто Леваневской ялганть самолетонть экипажонть вешнемасо участиянь примадонть кис. Вологдасто Архангельское ливтямось теезь метеорологической берянь условиятнесэ. Самолетось сеестэ понгонсь пиземь ды тусто облачностень полосас, конась вельтась моданть.

ТАСС.

Ловнома кудось пекстазь

Вишка Маризь велень ловнома кудовь заведующеесь Сыркин а ютавты культурно-воспитательной кодамоак робота. Ловнома кудось чистэ пекстазь, колхозниктнень ды колхозницатнень ютко шка-не модемс а ков. Сыркинень кияк эзь снартнеяк кармавтомс роботамо. Сон бездельничает, ды комсомольской организациясь, велень советсь паро мельсэ ваньты тень лангс.

3.

Чамзинкань район.

СЕЗЕЗЬ НАЛКСЕМА (ПЕЗЭ)

ро. Жири кармась энялдомо Горнецкой-нень, штобу сон киштевел. Горнецкий ульнесь пек предьстэ. Жири марявсь тевэз простой, аволь хитрой приятелекс... Эх, ков тусь, так тов! Путизе портфеленэ, чиремкшнэз лисць столенть экистэ, кишть 5—10 минутат, ресторано-нень иредезь посетительтне цяпасть ды педеть.

Якстергадов, величьтсь мекев стол-нентень. Жири арасель... Решась, што приятелесь куток сы, Горнецкий спокой-насто овась ды кармась учомо.

Винасонть отуманенной сознаниянень эзь сова кодамоак подозрения. Чара-кадсть превтне. Марявсь аволь покш, но приятной сизема. Ансяк зяряя мину-тадо мейле сон фатясь портфелентень. Портфелесь арасель... Теевезь тевенть чудовищностесь абунгавтызе сонэз. Коня-воноз появасть ливезь петиякст. Сон стась, варштась... Арась, Жири а не-яви Каявсь раздевалынтень. Швейца-рошь мерсь, што приятелесь, кона марто сась Горнецкий, лисць 15 минутато икеле.

Венть остатка пельксэсь ульнесь каш-

Шанхай районсонть упорной бойтне яла молить. Артиллерия-сонть покш перевесэньт тевс нол-дазь, японской войска-нень эцить икелев ды зяряя пункт Цзянваня районсонть (Шанхай-стэнт северэв).

Китайской войска-нень береговой линиясонть потасть икеле ано-кстазь позициянтень. Китайской вой-ска-нень оборонань од линиясь юты Люхэ-Лодянь-Цзянванонть трокс—Северной вокзал.

Китайской войска-нень штабось пота-монть толкови стратегичес-кой соображениясонть. Шанхаенть кис бойтнень васень шка-сонть китайской войска-нень основной задачкась ульнесь се, штобу а нолдамс японской войска-нень валгоманть, конась тейневсь 700 ламо орудиянтень леднемань ко-ряс. Те задачкась ульнесь топа-тозь. Японецтне кандсть покш емавкст седе икеле, кода валкс-тызь побережынт лангс эсис войска-нень группатнень ды тейсть Шанхайской районсонть сплошной вейке фронт.

Сентябрянь 14-це чистэ кита-йской весе газетатне печатасть статья, конат сермадозь Шанха-

энь ванстамонь коновь итогтне-де. Китайской солдаттнень героиз-маст тешкстазь, конатне тейсть решительной сопротивлени япони-ской эцемантень, газетатне теке марто невтить ванстамонть орга-низовамос зяряя асатыкстнень лангс, конатнень нолдынзе коман-дованиясь, асатыкстнень кой-кона фактнень газетатне ловить башка ломантнень ендэ предательствакс. „Дагунбао“ газетась нешти, што Бейпинэнт ды Тяньцзинэнт ема-втомаст толковави ансяк сеньсэ, што 29-це армиянь командованиясь невтсь аволь решительность. Про-винциянь Чахар—Лю Жу-Мин гу-бернаторось Калганонть японецт-нэнь максызе сопротивлениавто-мо. Газетась вешти ледемс Лю Жу-Минэнь.

„Либао“ китайской газетась сер-мады: „Цела коновь перть боро-цамось нешти, што минек врагонть бое-способностезь аволь уш истямо сэрей, кода примазь теде арсемс. Минек вооружениясь, очевидно, седе берянь врагонсэнь коряс, но минек бое-способностесь пек седе виев“.

(ТАСС).

НИОНСКОЙ СОГЛАШЕНИЯНТЬ СЕРМАДСТОМАСЬ

Кода пачтить куля Женевасто, сентяб-рянь 14-це чистэ Средизем-номорской конференциянь весе участиктне подписали Нионасо

теезь соглашениянть. Конферен-циянь заседаниясонть декларация марто выступил Литвинов ялгась.

„ПАКСЯНТЬ ВАНСТЫТЬ БЕРЯНЬСТЭ“

Те заметканть минек кучокш-нызе юнкорось Дубенкань район-сто Кабай велень Каганович лем-сэ колхозсто. Юнкорось серма-лесь, што паксясо скуронь вансты-цятне Ломов М. И. ды Платонов А. С., скуронь ванстоманть таркас якить чокшне ланга ульцява, пак-сясо жо эрсить чуросто.

Те заметканть минь кучокшны.

нек расследованиясь Дубенкань РОМ-с. Тосо минек отвечать, што фактнэ ульнесь видеть. Ло-мов ды Платонов колхозонь пак-сянть беряньстэ ванстомань кис робота-сто каязь ды тевесь мак-созь колхозонь правлениянтень, штобу примавольт сынст марто эрявикс мерат вельхозартелень уставонть коряс.

Зярдо панжови ловнома кудось

Чамзинкань р-н. Вишка Маризь велень ловнома кудось зярдоак а эри панжадо, тосо кодамоак ли-тература арась, газетат получить ансяк 4 экземплярт. Избачось Сыр-

кин эсь роботанзо кисэ овси а ме-лявты.

Зярдо ули панжозь ловнома ку-дось. Зярдо тосо карми улеме ал-куксонь робота?

Пера.

марнойкс. Нинтень мезеяк алак евно, Горнецкий терпениявтомо учось валс-кенть, куш эзь содаяк, месьт тейнемс, кода улемс.

Валске 7 чассто гайгезевсь телефо-нонь звонокось. Сон лихорадоочно саизэ трубкант.

— Да, да, мон—Горнецкий! (Ко-дамо уцяска—вайгелесь Жири-нень!).

— Тон, брат, извини монь. Просто моньскак а содан, кода лисць. Ульни-нть пек предьстэ. Мекс стинь ды туинь, ов-си а повнян. Текенень жо вообразил, што портфелесь—монь, фатинь, но уль-несь пек позда... Седе виде, рана. Тон извини монь, монень савсь ваномс тонь адресэть эли телефонот. Пек паро, што муия портфельстэ записной книжка, вана и звонян.

Горнецкий ульнесь уцяскав. Роботас молемань кият лангсто Жири-нень вас-тазь, сон седейшкава сорновтнесь сонэз кеденэ. Кавонест педеть теевезь те-венть лангс. Договорились ваставомс. Но...

Те „но—сь“ совась Горнецко-ень соз-наниясь. Сон пансил подозрени-нть, конатне эцеть сонэз пряс. Но сонэ-нэз пек марявсь, што Жири ульнесь аволь иредьстэ. Сонэз пряс эцеть эпизод эпи-зод мельга, ды подозрени-нть кассть ды

кемекстасть. Меельсень пелев сон выдер-жал. Стась, пекстызе кеместэ каби-нетнень кенкшенть ды бойкасто эське-лязь, прок було пельсь, што передумает, лисць.

Куроксто сон аштесь НКВД-нь сле-дователенть кабинетэ ды парсте евтнесь теевезь те-венть.

Примерно кавтошка чиде мейле уш-довсь Жири „бухгалтерэнт“ марто „кортнемаскак“. Жири ульнесь омбо масторонь разведкань агент. Сонэз эсин-эз витькстамонэз коряс, портфельтэ са-ламо мейле сон сайсь тосто копият сонэ-нэз эрявикс документтнень эйстэ.

Но шпионсь рискнул покш налксе-мас: сон мекев максызе портфельтэ, теньсэ арсесь пед-пед эсь ке-дь алов са-емс Горнецко-ень, штобу сон карма-воль лангозонэ кемеме ды икеле-пелев э-щэ седейк пек тевс нолдамс сонэз.

Налксемась ульнесь сезезь. Ильд-е-ксэнт теезь, конась граничит преступле-ниянт марто, Горнецкий яла теке мусь эсь эйстэ-нэз мужества честнасто е-внемс теевезь те-венть. Лездась шпион-нть кундамоса ды лангс таргамоса.

Л. Зильвер.

(„Комсомольская правда“).

ПОЛЬШАСО БАСТОВИЦЯ КРЕСТЬЯНСТАНТЬ КАРШО ПОЛИЦИЯНТЬ РАСПРАВОЗО

Варшавасто кулянтень коряс „Стронництво Людове“ крестьян-ской партиянть руководствась кучсь польской газетатнень редак-циянтень туртов крестьянской за-бастовкадо ды бастовицятнень каршо полицейской карательной отрядтнень кровавой расправодо печатсь апак нолда бюллетень.

Крестьянтнэ согласясть „Строн-ництво Людове“ партиянть требо-ваниянт марто—ликвидировамс Польшань диктаторско-бюрократи-ческой режимент, лиякстомтомс сонэз внешне-политической кур-сонть ды максомс весеменень пра-ва труд ды кши лангс.

Бюллетенэсь нештэ, што крестьянской забастовкась мо-льсэ 10 воеводствава (область).

Сень лангс апак вант, што кре-стьянской забастовкадонть икеле арасельт кодаткак организацион-ной ды агитационной анокстамот, крестьянствань массанть покш пельксэсь сеске жо сонэ-нэз (за-бастовкантень) вейсэндясь ды кар-мась дружнасто бастовасо 10 чинь перть, лиякс меремс истямошкань перть, зярос яволявтозель забас-товкась.

10 воеводстватнесэ среднейстэ бастовасть крестьянской населе-ниянт эйстэ 70—90 процентт. Краковской воеводстваво кресть-янть бастовасть весе.

Бюллетенэсь сермадозь звер-стватнеде, конатнень тейнить ка-рательной отрядтнэ. Рогатенской уездэнь Бурштын велесэ полици-ясь чавсь 2 крестьянт, вейкентень сынст эйстэ полицейскойтне та-пизь сельменэз ды почкавтызь прязо. Зярдо марясть теде, ок-рестностнестэ крестьянтнэ пур-наваст Бурштынэ 6 тыщадэ ламо ломанть ды тейть чавноматнень каршо протест. Полициясь лед-несь огнестрельной оружиясто ды ранясь 21 крестьянт.

Мунино велесэ, Львовской вое-водстваво, полициясь залпсэ вас-тызе оружиявтомо крестьянтнень толпанть, кона мо-льсэ ошов сень кисэ, штобу теемс протест „Строн-ництво Людове“ партиянт органи-зациянть руководителнтнень арес-товамост каршо. 8 крестьян уль-несь маштозь.

Касинка велесэ, Краковской во-еводстваво, карательной отрядос маштсь 9 крестьянт, сынст ютксэ „Стронництво Людове“ органи-зациянт председателенть.

Полициясь, велетнень пи-рямо-до мейле, допрок калавтнесь кресть-янской кудотнень, кола-сь-яжась велень хозяйственной орудия-нень, кудо ютконь ули-паронть, продовольствиянт ды орчамо-пе-ленть. Полициясь лавсьтнестэ ерт-несь эйкакштнень ды на-рыгась (насилу-вал) аватнень.

(ТАСС).

Азортмо клуб

Дубенкань район. Кабай велень од ломантнень а косо оймсемс ды веселасто шкаст ютавтомс.

Велесэнт ули клуб, но сон аш-ти, лезэвтеме. Клубсонть заведую-щей арась. Клубсонть вальматне, стултнэ тапсезь, стенатнень вель-тизе пуль, а портрет, а лозунгт тосто а неят.

Кияк амелявты седе, штобу клубонтень аравтомс заведующей ды ушодомс тосо культурно-мас-совой роботанть.

Быков.

Отв. редакторонть кис
Д. УЧАЕВ.